



武備志

百五十八之百六十

ケ 5
61
57





武備志卷一百五十八

防風茅元儀輯

占度載

占十一

占星五

星

歲星一曰攝提又曰重華曰應星曰經星曰紀星
東方青帝靈威仰之神木德之精歲行
一次十二年一周夫與太歲相應故謂之歲星歲

武備志卷一百五十八



星主道德在五常爲仁五事爲貌仁虧貌失逆春
令傷木氣則罰見歲星歲星主春其日甲乙其辰
寅卯其卦震巽其音角其數八其帝太皞其神勾
芒歲星所在其國有福逆之則怒爲殃尤甚歲星
主司天下諸侯人君之過主齊吳以東之國又爲
農官主五穀所居之宿五穀蕃昌其對爲衝乃有
殃歲星所在之國不可伐可以伐人所留之野吉
所去之野凶超舍而前爲羸退舍爲縮羸其國有
其不復縮其國有憂其將死國傾敗所去失地所

之得地一曰當居不居國亡所居國昌已居之而
又東西去之國凶不可舉事用兵安靜中度吉出
入不當其次必有天祲見其舍也歲星羸縮以其
舍命國其所居久其國有德厚五穀豐昌不可伐
羸縮失次其國有變不可舉事用兵又曰人主之
象也色欲明光潤澤德合向又曰進退如度好邪
息變色亂行主無福赤而角其國昌赤黃而沉其
野大穰

元史云歲星八十三年而七周天與日合度者七

十有六凡三百九十八日八十八刻而與日合
 石氏云歲星贏而東南見彗星贏東北見覺星縮
 西南見欃雲如牛縮西北見槍雲如馬槍欃棊彗
 異狀其殃一也至日行一尺出二十餘日乃入其
 國凶不可舉事用兵出而易所當之國是受其殃
 又曰妖星不出二年其下有兵及失地若國喪
 甘氏云歲星贏東南不出三月迺生彗本類星末
 類彗長一丈贏而東北不出三月迺生天棊本類
 星末銳長四尺縮而西南不出三月迺生天槍左

右銳長數丈縮而西北不出三月迺生天欃本類
 星末銳長數丈必有被國危君伏死其辜餘殃不
 盡為旱凶饑暴疾至不出五年其下有軍及覆地
 若國君喪又云金水二星附日而行出入有常出
 早為月食出晚為天祲及彗星
 歲星在春王色比左角大而青精光立春後滿七
 十二日後十八日色黃仲春之時有芒角
 在冬相其色精光而無芒角
 在夏休其色青黃無精光

在四季囚其色青微黑

在秋死其色細小不明此其常也如其常則天下和平

歲星當王時而有相休囚死色其進舍也有德令其退舍也有惡令其留守之舍有逆法有逐臣當其時而有王休囚死色者其留守之舍國凶其進舍也有兵其退舍也相有逆謀不成

當休時而有王相囚死色當囚時而有王相休死色者其留守之舍國有禍喪其進舍也有兵其退

舍也將軍亡

當死時而有囚色太赦

歲星色赤為兵一曰歲星色白多為兵色青白而不光潤兵獄並起

歲星青白如灰主有憂期五月兵獄並起

歲星變色而赤芒角其國太旱歲饑有兵

歲星在東方宿中色宜青而白角為兵

在南方宿中色宜赤而青為憂白角而怒有兵

在西方宿中色宜白而青有憂赤黑皆為兵

在北方宿中色宜黑而青有憂赤為兵白角而怒亦為有兵起

歲星變赤若有芒角為誅殺為兵

歲星乍大乍小其國凶乍明乍暗國憂主辱

歲星忽不見國亡

歲星出如浮而沉其國有主功如沉而浮其野亡浮者見之沉者伏之

歲星芒角動搖其國凶芒角而怒所居兵起五穀不登

歲星有芒角赤黃人主以武強若戰歲星無芒角不勝

歲星芒角指者敗迎角而戰者亦敗

歲星五角芒天子自出將兵

歲星一角外射天子大使出三角兵出有所誅

歲星七角且芒天子與四方戰期不出一年

歲星九角且芒天子殺賢臣誅邊將期一年

歲星角且芒皆為天子征伐四方

歲星王時當有芒角無芒角則主威權在下

歲星超一舍二舍至於三舍侯王不寧不則地動
退一舍二舍至於三舍王者滅亡

歲星順行列宿者喜也逆行有所陵犯皆為凶災
歲星逆行其國不可興兵順則兵宜進逆則兵宜
退

歲星逆行當遲而疾失一次以至三二次人主驚
走社稷危亡天下兵起民去如鄉死者如山

歲星晝見為臣強其地有兵晝見與日爭光武弱
文強大臣謀逆

歲星流國主亡

歲星順行不可逆戰逆行不可向之而戰

歲星舍守列宿其色白為敗常以春甲乙日候之
變色則為災

熒惑一曰赤星又曰罰星曰執法曰天候南方赤
帝赤燦怒之使朱雀之神火之精也其行無常出
則兵起入則兵散熒惑居東方為懸息西方為天
望南方為熒惑或進退無恒躁急促疾故曰熒惑
其在五常為禮五事為視禮虧視失逆夏令傷火

氣則罰見災感災感主夏其日丙丁其辰巳午其卦離其音徵其數七其帝炎帝其神祝融災感主死喪主司天下羣臣之過惡驕奢亡亂妖孽主歲成敗察過失以譴告人主者也主楚吳越以南諸國主憂患愆尤禍福之所由生其國有道則疾行而東無道則西而降罰為賊為疾為喪為饑為兵所居之國受殃環繞勾巳芒角動搖變色乍前乍後乍左乍右其殃彌甚周旋止息則為死喪寇亂其野亡地災感失行而速兵聚其下順之戰勝又

曰災感不動兵不戰有誅戮又曰災感為天文之理內則理政外則理兵又曰災感逆行一舍一舍為不祥居之三月國有殃五月受兵七月國半亡地九月地大半亡因與俱久國絕祀居之殃還至雖大當小久而至當小反大若芒角動搖環繞之及乍前乍後左右殃益大與他星鬪光相逮為害不相逮不為害其行東南西北疾也用戰順之勝逆之敗

元史云災感七十九年而四十二周夫與日合度

者三十七凡七百七十九日九十二刻又百分刻之九十分而與日一合

熒惑在夏曰王色比心大星而大赤精光仲夏有芒角

在春曰相其色精光無芒角

在季夏曰休其色赤黃無精光

在秋曰囚其色青白不明

在冬曰死其色黃黑細而不明此其常也色如其常則天下和平

當王時而有相休囚死色其留守之舍不可與兵用兵其進舍也其國不祥其退舍也其國有旱當相時而有王休囚死色其留守之舍其國起兵其進舍也有蝗其退舍也赤地千里當休時而有相色其邦亂臣不從令有王色其國受殃有囚色有小兵有死色盜賊橫行廟堂有火其留守之舍受殃

當囚時而有王色大臣憂有相色臣下毀傷有休色使者道蹠有死色丁壯從軍其進舍也有兵其

退舍也有妖言其留守之舍道路不通

當死時而有王色宗廟不享有相色大臣攝政有
休色宗廟火災有囚色丁壯多死於兵其留守之
舍其下有兵其進舍也多風其退舍也流水湯湯
榮惑變色而黑有大水暴兵至

榮惑色赤黃發疾黑青發難黃若赤一歲內發白
色期一年青色期二年黑色期四年至五年以星
行尺寸深淺為期應

榮惑色蒼細小而無精明名曰進賊讒臣入國不

有亡君必為亂國而西水旱並發其國必亡

榮惑無光先起兵者敗

榮惑赤芒南方國利青芒東方國利黑芒北方國

利黃色中國利色黑而芒所居之野有殃

榮惑色太赤而芒不出三年兵喪並起色青角其

國有兵憂

榮惑色青有大兵旱色變止赤其秋有兵

榮惑色赤而芒兵在外大戰無兵兵起

榮惑赤大燁然而芒其地有兵大而赤角有兵出

攻戰客利

熒惑有芒角以戰皆不利隨其所指而擊破軍殺將

熒惑出色赤怒逆行成勾巳戰凶有圍軍勾巳有芒角如鋒刃人主出宮下殿

熒惑始出大而益小者其國不利

熒惑晝見臣謀主所在分兵起大旱水竭

兩軍相當有雲獨掩熒惑有伏軍死將

熒惑出東左反行而西有小星擊之即去其所宿

之國受兵之術

熒惑疾行而東命曰狡狡者止其相死疾行而西

命曰滑滑者起其將死疾行而南命曰讒讒人與

疾行而北命曰賊賊乃作

熒惑從北入南日持不出二年其國有喪兵起南方持謂持水入火

熒惑從南失行而北有兵兵罷天下旱是謂以火入水

熒惑出列宿之南為孽出列宿之北復入為廢逆

入水

熒惑出列宿之南為孽出列宿之北復入為廢逆

為縮如是者其下必有伏尸積骨
熒惑春夏失道南行疾為旱兵在陽國秋冬失道
北行疾為火入水必有破軍殺將
熒惑所在之國不至秋起兵若留守之必有禍殃
熒惑所止三月以上國憂一曰大將死五月破軍
亡地七月其下地半亡居九月地全亡
熒惑已去而復還守之其殃尤甚從陰之陽亡地
三百里從陽之陰亡地三百里從前之後亡地二
百里從後之前亡地三百里

熒惑以庚辛曰留天下有大兵
熒惑出東方若西方遲留者其國不利留一月以
上為饑為兵
熒惑變色失行所留者亡所抵者兵往來疾期九
十日遲者期不過三年
熒惑行二十八宿止乘其宿星有軍在外留之三
日戰敗大將死
熒惑舍守別宿其色黑為敗常以夏丙子日候之
色變則為災

熒惑行二十八宿止乘其宿星有軍在外留之三日戰敗大將死

填星一曰地候中央含樞紐之使勾陳之神土之精也填星常晨出東方夕伏西方其行二十八宿而一周天歲填一宿故曰填星在五常爲信五事爲思仁義禮智以信爲本貌言視聽以思爲主故四星皆失填星乃爲之動其歲侯土不寧縮有軍不復填星主四季其日戊巳其辰丑未辰戌其卦艮坤其音宮其數五其帝黃帝其神后土女主之象所在國有福不可伐主聚衆主土功主正紀綱主周梁主太常主司天下女主之過填星正則女

主正邪則六主邪一曰填星天子之星也天子失信則填星大動又曰填星所居國吉未當居而居之若已去而復還居之國得土不乃得女子當居不居既已居之又東西去之國失土不乃失女子不有土事若女之憂居宿久國福厚易福薄當居不居爲失填其下國可伐衝者不可伐既已居之又東西去之其國凶不可舉事用兵失次而上舍三舍有王命不成不乃大水失次而下舍有后歲其歲不復不乃天裂若地動

元史云填星五十九年而二周夫與日合度者五十七凡三百七十八日九刻又百分刻之一十六分而與日一合

填星在四季之時曰王其色正黃比北極中央木星而精明有芒角

在夏曰相其色黃大而精明無芒角

在秋曰休其色黃白無精明

在冬曰囚其色黃黑不明

在春曰死其色青白細小而不明此其常也如其

常則天下利平

當王時而有相休囚死色其留守之舍有厚德其

進舍也其國得土其退舍也失土

當相時而有王休囚死色其留守之舍其國女主

微其進舍退舍皆為土功憂事

當休時而有王相囚死色其留守之舍國人流亡

進舍退舍皆有殃

當囚時而有王相休死色其留守之舍及進舍其

國嗣子憂退舍有喪

當死時而有王相休囚色其留守之舍國有凶殃
其進舍也地動若有蛇怪其退舍也人多流亡
填星色赤而潤澤不出其年兵起

填星赤而芒角有兵喪凡填星色赤為最惡

填星赤而角期九十日兵起赤而芒有兵火

填星色青白不出五月其國兵起又曰青多為兵

白多為獄青白等兵獄俱起

填星之相也從立夏至夏至其色當赤而小精明

無芒角及季夏之時比北極中央太星赤黃而光

明有芒角季秋之時色當比奎太星黃白而光

有芒季冬之時色當比左角青黃而光明有芒季

春之時色當比參左肩黃白而光明有芒填星在

四方宿中如其方色吉

填星三黃芒而角土功

填星赤黑芒兵起期三月

填星九芒大水不則天裂若地動

填星三黑芒其國亡

填星七角俱芒女主專政妄殺

填星出角為旱若失色五角則有兵戰

填星逆行其國凶逆行一舍為水民去其邑逆行

二舍有兵亡地逆行三舍王者死

填星至其宿不居即去之其國無道可伐

填星行列舍或居其北往來不安其國不可興土

功不可舉事用兵

填星出北方宿中其國不利用兵出東方宿中所

出之國兵強出南方宿中其下用兵者亡地出西

方宿中其國兵起

填星光明盛大其國大昌微小其國受殃

填星大如狼星而色黃天下之兵雖合其國不亡

填星變色失行於戊巳之日及辰戌丑未之月或

寅卯之月皆為大凶

填星晝見臣謀君女主憂上相死

填星芒角有土功聚眾事

填星出箕所居國受兵亡地

填星舍守列宿色青為敗常以四季月戊巳日候

之變色則為災

太白一曰啟星又曰太止曰營星曰明星曰觀星
曰太威曰太皞曰衆星曰相星曰太鸞曰太爽曰
序星晨見東方曰啟明夕見西方曰長庚西方白
帝白招矩之使白虎之神金之精也大而色白故
曰太白在五常爲義五事爲言義屬言失逆秋令
傷金氣則罰見太白太白上公之號大將軍之象
太白進退以候兵高卑遲速靜躁見伏皆象之吉
主刑殺主秦雍河華蜀漢以西之國其日庚辛其
辰申酉其卦乾兌其音商其數九其帝少昊其神

亦收出以辰戌入以丑未其出入也必以風雨太
曰主威主斷割殺伐故用兵必占之

元史云太白常與日相近一年一周天八年而五
合於日退合者亦五凡五百八十三百九十刻又
百分刻之二十六分而與日順逆兩合

太白兵象也出而高用兵深吉淺凶卑淺吉深凶
行疾用兵疾吉遲凶行遲用兵遲吉疾凶角敢戰
吉不敢戰凶擊角所指吉逆之凶進退左右用兵
進退左右吉靜凶環以靜用兵靜吉躁凶出則兵

出入則兵入象太白吉反之凶赤角戰

日方南太白居其南日方北太白居其北為嬴侯
王不寧用兵進吉退凶

日方北太白居其南日方南太白居其北為縮侯
王有憂用兵退吉進凶

當出不出當入不入為失金不有破軍必有死主
亡國一曰天下偃兵野有兵者所當之國大凶

當出不出未當入而入天下偃兵兵在外
未當出而出當入而不入天下起兵所至破國

未當出而出未當入而入天下舉兵所當之國凶
當期而出其國昌

出東為東方入為北方出西為西方入為南方所
居入其國利易其鄉凶

入七日復出將軍戰死
入十日復出相死之入又復出人君惡之

已出三日而復微入三日乃復盛出是為要而伏
其下國有軍其眾敗將北

已入三日又復微出三日乃復盛入其下國有憂

師雖衆敵食其糧用其兵虜其師

出西方失其行夷狄敗出東方失其行中國敗

太白出蚤為月食晚為天矢及彗星將發於凶道之國

太白出而雷桑榆間病其下國上而疾未盡期日過參天病其對國

凡太白所出所直之辰其國為得位得位者戰勝所直之辰順其色而角者勝其色害者敗太白白比狼赤比心黃比參右肩青比參左肩黑比奎大

星色勝位行勝色行得盡勝之

太白在秋曰王其色比狼精明而有光於仲秋之時有芒角

在四季曰相其色精明而無芒角

在冬曰休其色精明而無光

在春曰囚其色青黃而不明

在夏曰死其色赤黑細小而不明此其常也如其常則天下和平

當王時而有相色主弱將強權勢從橫天下有兵

有休色臣有謀主者有囚色所任官者囚有死色
大將野死其留守之舍兵起其進舍也其下兵歸
之其退舍也兵弱不用

當相時而有王色主弱將強有休色將不用命有
囚色將謀不成有死色將死其留守之舍有兵其
進舍也是謂趨兵其退舍也兵出不行

當休時而有王色其野多賊有相色兵起民亂有
囚色死人從橫有死色軍死於野其留守之舍有
逐將其進舍也武吏從橫其退舍也文吏弄權

當囚時而有王色其分國有叛將有相色下犯其
上有休色其野多暴兵有死色有妖言言不祥其
留守之舍不可舉事用兵其進舍也歲多霜霜其
退舍也冬暖不藏

當死時而有王色流水湯湯有相色野火煌煌有
休色錢幣不行有囚色國多狼虎其留守之舍野
獸食人其進舍也白刃槍槍其退舍也兵不成行
太白主西雖其體大而色白光明而潤澤所在之
分兵強國昌體小而昧軍敗國凶

太白出東方色黃而明出西方高而色白此其常也

太白圓大怒而色赤天下有兵盛而不戰赤而苦角乃戰

太白色猛赤次白而蒼悴而不光是謂失色其所

在國雖得地擊之必克

太白色黃黑軍在外者宜罷之

太白始出色赤有兵主人勝

太白色蒼白而靜天下厭兵

太白色黑秋破師

太白色白而無角以戰不勝

太白色青而暗小國有大憂

太白色赤而怒兵起國多火災

太白色赤者武也利以戰色白者文也不利以戰

太白光明見影其國戰勝

太白細小不明天下盜賊多而不發覺所居國尤甚

太白芒炎然而上大兵起炎然而下則有天狗下於其野有流血

太白見一芒兵起不用見一芒有戰見三芒天下兵起四芒諸侯死於境五芒天下更制十芒皆鈞其國不戰而受地

太白芒出長而銳大利攻戰順芒所指擊之勝太白赤而角將戰勝無角戰不勝

太白所在之鄉芒日增長如行過經此威武之氣也不可備

太白五角有立將六角有取國七角成王四角有敵三角而動有反城胡兵起

太白過宿角長取地長角短取地短角外指得地內指失地期一年

太白芒角動搖盜賊羣起兵旱並作

太白初出大而後小其國兵弱先勝而後凶初出小而後大其國兵強先敗而後成

太白出而大甲兵煌煌旌旗相望

太白出而小有城不能守有兵不能戰

太白出而赤圓大而光期不出九十日兵大起

太白出而小後大在東方陽國兵起在西方陰國兵起

太白未當出而出東方名曰重華吏虐民擾不得耕織

太白未當下而下東方名曰少歲其歲饑鬼神不享

太白未當出而出西方名曰長強有聚卒兵起

太白未當下而下西方名曰白消有喪吏民帶劍死者不葬

太白不當出而出主躁臣熾軍破國亡

太白出西方順行至四正西方之國吉出東方逆

行至四正東方之國吉四正午也出西則從西至

午止出東則從卯至午止不得過午也過午則為

經天凶

太白出東方以辰巳為吉逆行不至巳而返陽國

強陰國戰不勝過巳不及午陽國霸天下及午天下聽命於陽國出西方以申未為吉順行不至未而返陰國強陽國戰不勝過未不及午陰國霸天下及午天下聽命於陰國

太白昏至未子間大將憂晨至巳丙間小將死

太白出南不得過申北不得過酉失行而北過丙名曰返生不利侯王失行而南過申不利用兵一曰太白失行而南不有破軍必有屠城北國當之太白失行而北天下兵大起失行而南一日有兵

兵罷期三年

太白出卯南南國勝出卯正東東國勝出西南南國勝出西北北國勝出酉正西西國勝

太白出巳殺大將出未陽國傷出戌胡兵起不戰多傷

太白出東方若西方過管室強國興不及管室而返還入強國敗

太白行失道為將有好止失道為大奸逆行而失

太白行失道為將有好止失道為大奸逆行而失

道者尤甚

太白居實有德也居虛無德也

大白出於辰之南鄭得位行不失色黃而赤大而

有角勝行失而蒼小敗

出於辰卯之間宋得位行不失色黃而赤大而

有角勝行失而黑小敗

出於寅之北越得位行不失色黃芒而有角勝行

失而蒼小敗

出於寅卯之間衛得位行不失色黃大而

有角勝

行失而蒼小敗

出於未之間吳越得位行不失色蒼赤而有角勝

行失而黃小敗

出於申之南楚得位行不失色赤大而

有角勝行失而黑小敗

出於申酉之間秦得位行不失色白大而

有角勝行失而赤小敗

出於戌之北燕得位行不失色黑大而

有角勝行失而黃小敗

行失而黃小敗

占度

占星

二

出於酉戌之間齊得仇行不失色蒼大而有所勝
行失而白小敗

太白始出西南維在日月之陽陽國之將傷在其
陰陽國利出西南維在日月之陰陰國之將傷在
其陽陰國利

太白出東北維匈奴有兵相攻

太白行疾為武利以戰行遲為文以戰不利

太白已入而未出不可廷兵

太白入東方未出西方其六十五日為陽六十五

日為陰以此時用兵雖勝有殃

太白入西方未出東方其十五日為陽十五日為

陰以此時用兵戰必敗一日太白入西方未出東

方南方之國起兵雖戰勝得地後必敗亡地

太白入東方未出西方北方之國起兵雖戰勝得

地後必敗亡地

太白不見若有客軍來挑戰宜應之不可先擊待

其先動而應之勝

太白始出東方西方之國不可舉兵始出西方東

方之國不可舉兵違之者兵敗國亡
太白晨出東方平旦見辰巳聞寇來深入謹守勿
戰去亦勿追

太白出東方爲德舉事用兵左迎之吉出西方爲
刑舉事用兵右背之吉一日出軍宜背刑向德交
戰宜背德向刑

太白以其時出陽四十日不動先起兵者不利又
日在陽國利其以陽時出於陰重利

太白始出西方小而圓澤有光敢戰者吉不敢戰

者凶

太白出至其國之日不見其兵弱可擊得其將

太白不見三日有亡國喪師

太白入七日而復出將軍戰死

太白不上下下而雷桑榆間病其下國若出一百
六十日不能參天主卑令不行民亂多盜若出未
滿一百六十日而上過參天主尊令行政理無盜
一日過參夫病其對國參夫者三之一也過參夫
則在西戌之間也

太白始出未可擊也色盛未可擊也色衰未可擊也色死急擊勿失不擊客將為主人色死者赤黑也

太白變色而逆行不可戰

太白在秋三月出西方色當白不白而逆行凶且有金石之妖若星隕而為石石之所下寇至其野當祠蓐收及西海之神以禳之吉

太白晝見有兵兵止無兵兵起一曰太白秦星也晝見秦國兵強

太白晝見與日爭明四海起兵一曰強國弱小曰強女主昌

太白經天天下革民更主人流亾天子失位刑法苛而攻戰行則太白經天經天者謂出東方而入西方西而入東也太白陰星出西則當伏西出東則當伏東過午則經天經天則天下革命晝見與經天不同晝見謂當晝而見經天則順行至未或逆行至巳而不伏故昏旦當午而見所以出東而入西出西而入東也五星木火土為陽星不以昏

日過午為嫌金水陰星附日而行昏白而見於午則放恣甚矣故其殃為大凡經天則必晝見以其去日遠也晝見則不必經天故各自為占也

太白出而墜地其下山摧石裂太水枯竭

太白流其國兵敗將死

太白自暈天下有赦有兵不出二十日其國失軍

太白出攘氣三丈太水兵起

太白出攘氣明太風道上無灰塵不出三月羅貴

五倍不出年中有兵

太白出氣長三丈若五六丈大風雨兵起所指軍

民狙驚出之海氣星

太白出彗出西南維中國受兵亡地

太白出彗出西北維胡狄受兵亡地

太白舍守列宿色赤為敗常以秋三月庚辛且候

之變色則為災

辰星一曰安調又曰細極曰能星曰鉤星曰司農

曰兔星曰小武曰同農曰鬲星曰小爽北方黑帝

叶光紀之使玄武之神水之精也辰星之出常在

武備志卷一百五十八

二十七

四仲出以辰戌入以丑未二旬而入晨候之東方夕候之西方附日而行其出入也不違其時故曰辰星辰星宰相之象又爲廷尉主刑法殺伐將戰鬪有軍在野爲偏將軍無軍則官主和陰陽在五常爲智五事爲聽智虧聽失逆冬令傷水氣則罰見辰星辰星主冬其日壬亥其辰亥子其帝顓頊其神玄冥其音羽其數六其卦坎主燕趙代國主刑獄險阻之事辰星所在有權智用兵爲主失其時則寒暑失節國當大饑辰星出入必以陰雨不

則陰風辰星又爲夷狄之事及刑法之得失著於辰星觀之又曰辰星出蚤爲月蝕晚爲彗星及天矢一時不出其時不和四時不出天下大饑失其時而出爲當寒反溫當溫反寒當出不出是謂擊卒兵大起與他星遇而鬪天下大亂出於房心間地動

元史云辰星其行常與日相近一年一周夫四十六年合於日者一百四十五退合亦然凡行一百一十五日八十七刻又百分刻之六十分而與日

順逆兩合

辰星在冬曰王色比奎大星青白精明而有光仲冬之時有芒角

在秋曰相其色精明無芒角不搖

在春曰休其色青黃微小無精光

在夏曰囚其色黃黑小而不明

在四季曰死其色青赤小而不明此其常也如其常則天下和平

當主時而有相休囚死色其畱守之舍國不亡其

辰星赤圓為兵赤角兵大起黑角憂水有小戰

辰星色黑三芒天下有兵兵止無兵兵起有水灾

黃角有爭地

辰星其時宜効不効為失其當効而出也色白為

旱黃為歲熟赤為兵青為疫黑為水

辰星出東方大而白有兵於外解常在東方其色

赤中國勝外國敗出西方色赤外國勝中國敗天

下無兵於外而赤兵起

辰星生角有小戰

辰星生角有小戰

辰星色黃而小出而易處天下之文變而不善色赤犯我城黃角地之爭

辰星之色春青黃夏赤白秋青白而歲熟冬黃而不明即變其色其時不昌春不見大風秋則不實夏不見有六十日之旱月食秋不見有兵春則不生冬不見陰雨六十日有流色夏則不長

辰星守舍列宿色黃為敗常以冬壬癸日候之變色則為災

武備志卷一百五十八

武備志卷一百五十九

防風茅元儀輯

占度載

占十二

占星六

星妖

妖星者五行之氣五星之變各以其方以為殃災各以其日五色占知何地吉凶其出無道之國失禮之邦為兵為饑水旱死亡之徵也又曰凡妖星

武備志卷一百五十九

所出形狀不同為妖如一其出不過一年若三年
必有破國屠城其君死天下大亂兵士戰死於野
積尸縱橫餘殃不盡為水旱兵饑疾疫之殃又曰
凡妖星出見長大災深期遠短小災淺期近三尺
至五尺期百日五尺至一丈期一年一丈至二丈
期三年三丈至五丈期五年五丈至十丈期七年
十丈以上期九年審以察之其災必應
客星者非其常有偶見於天此皇天大帝之使以
告休咎也一日客星見無常所或出西或守東日

彖者事大而禍深日少者事微而禍淺或見而變
色芒角必有謀弑之兆其色微小即有陰謀兵亂
之事各以星色占之色白者其分野兵起有芒角
者其下破軍殺將侵城奪邑

凡客星見其分若留止即以其色占吉凶星大事
大星小事小星色黃得地色白有喪色青有憂色
黑有死色赤有兵各以五色占之不出二年又曰
客星入列宿中外官者各以其所部舍官名為其
事所之者為其謀其下之國皆受其禍以守之舍

為其期以五氣相賊者為其使

客星者周伯老子王蓬絮國皇温星皆客星也行
諸列舍十二國分野各在其所臨之邦所守之宿
以占吉凶

周伯星大而色煌煌然見其國兵起若有喪天下

饑象庶流亡去其鄉

瑞星中名狀與此同而占異

老子星明大色白淳淳然所出之國為饑為凶為
善為惡為喜為怒常出見則兵大起人主有憂王
者以赦除咎則災消

王蓬絮狀如粉絮拂拂然見則其國兵起若有寒
白衣之會其邦饑亡又曰王蓬絮星色青而焚焚
然所見之國風雨不節焦旱物不生五穀不成蝗
蟲多

國皇星出而大其色黃白望之有芒角見則兵起

國多變若有水饑人主惡之衆庶多疾

此與妖星國皇占異

温星色白而大狀如風動搖常出四隅出東南天
下有兵將軍戰於野出東北當有千里暴兵出西
北亦如之出西南其國兵喪並起若有大水人饑

又曰温星出東南爲大將軍負屈不能發者出於
東北暴骸三千里出西北亦然

流星天使也自上而降曰流自下而升曰飛大者
曰奔奔亦流星也星大者使大星小者使小聲隆
隆者怒之象也行疾者期速行遲者期遲大而無
光者衆人之事小而光者貴人之事大而光者
其人貴且衆也乍明乍滅者賊不成也前大後小
者恐憂也前小後大者喜事也蛇行者好事也往
疾者往而不反也長者其事長久也短者事疾也

流星天狗墜下狀如犬奔星色黃有聲其止地類
狗所墜望之如火光炎炎衝天其上銳其下圓如
數頃田處或曰赤星上銳下拖光出如彗或曰星
赤其狀赤白有光下卽爲天狗一曰流星有光見
人面墜無音若有足者名曰天狗其色白其中黃
黃如遺火狀主候兵討賊見則四方相射千里破
軍殺將或曰是將鬪人相食所往之鄉有流血其
君失地兵大起國易政戒守禦又曰青赤雲氣結
成大形名天狗破軍殺將人將相食又曰氣赤如

血紛紛亂落名天狗下食血必有惡戰兩軍大傷
凡出軍在城營中有氣赤如血從外入者亦名天
狗下食血大戰流血

流星出紫宮天子使也色赤言兵色白言喪色黃
言吉色青言憂色黑言水出皆以所之分野命其
國

流星有芒或有聲為怒氣色青為憂為饑赤為兵
為旱黃為喜為土功白為兵為刑罰黑為疾疫為
死為水災看休王各以日辰宿分所屬分野論之

衆星流者萬人不安之象凡衆星並流將軍舉兵
隨流星所向擊之勝凡見流星赤光入我營中大
凶若在前後此伏兵之氣不可出戰

流星流而不止者不出半年動衆離散若墜軍營
中天凶速退軍避之一云易將以讓之

流星白為使客大如爪為近小行稍有光為遲也
又正王白邊方有受王命者

凡圍城有流星來往過城或墜城營中者敗軍之
象

流星從彼出來五軍正常有間謀來說五軍夜半或黃時使至

奔星所墜其下有兵無風雲有流星見良久間乃入為大風發屋折木小流星百數四面行者衆庶流移之象

流星有光其色黃白從天墜有音如炬燵火下地野雉鳴天保也所墜國安有喜又曰流星墜下四散有聲曰天保防火災

若小流星色青亦名曰地鴈其所墜者起兵

流星有光青赤長二三丈名曰天鴈軍中之精華也其國起兵將軍當從星所之

流星之尾長二三丈暉然有光光白長竟天者人主之使也色赤者將軍使也王相將軍從星所之流星有光尾狀如疋布蒼白色為使赤為兵黑者死喪

流星甚大其光照地色青赤流四旁者五穀不登流星有尾赤兼青者直下落於營須急遷去黑為流星犯日映日而赤色向日而流者天下不安

流星大如月，西流有聲，蛇行屈曲，光照地，兵大起，下有戰場。

流星大如三斗，器色赤，出紫宮，疑著天，乃北下，人主去其宮殿。

大星如斗，墜，管作聲，數丈者，其間大戰，殺將急，宜移去。

凡流星如彗者，為發謀起事，大如桃者，為使事，流星大如餅，其光赤黑，有隊者，名曰梁星，其所墜之鄉，有兵，君失地。

飛星大如缶，若彗後，皎然白，前卑後高，此謂頓頭，其所從者多死亡。

飛星大如缶，若彗後，皎然白，前卑後高，搖頭乍止，乍下，此謂降石，所下民食不足。

飛星大如缶，若彗後，皎然白，星滅後白者，曲環如車輪，此謂解銜，其國人相斬，為爵祿。

飛星大如缶，若彗後，皎然白，長數丈，星滅後白者，化為雲，流下，名曰天滑，所下有流血積骨。

飛星大如缶，若彗後，皎然白，長可十餘丈而

委曲名曰天刑一曰天飾將軍均封疆

流星隕為石有石國有死王有戰破軍殺將

流星隕軍管如驢鳴軍必敗

流星晝隕聲如雨赤白或長三五丈忽然更有小

星者軍必敗

營頭晝有雲如壞山陸軍上所乃營頭之星所墜

其下覆軍流血千里一曰流星晝隕名營頭又曰

怪星晝行名營頭行極大誅也

流星犯歲星其地辱

流星衝熒惑其下君有福慶若光映熒惑者鄰國有奸謀宜謹防之

流星犯填星外邦有奸人入國又曰流星衝填星

填星光潤其分野有福又曰流星犯填星而色赤

其分野有兵黑有冰

流星犯太白其分野兵弱無兵起又曰流星衝

太白太白無光其軍師有憂又曰流星潤澤前後

有光而銳來穿太白其下若有軍即還

彗五彗也蒼則王侯破天子苦兵赤則賊起強國

恣黃則女害權奪後白則將軍逆二年兵大作黑則水江河決賊處處起

彗星世所謂掃星木類星末類彗小者數寸長或竟天見則兵起大水主掃除除舊布新有五色各依五行本精所生彗體無光假日而為光故夕見則東指長見則西指在日南北皆隨日光而指頓挫其芒或長或短光芒所及則為災又曰其象若竹彗樹木條長短無常其長大見久災深短小見不久災狹

河圖云歲星之精流為蒼彗榮惑散為赤彗填星散為黃彗太白散為白彗辰星散為黑彗五色之彗各有長短曲折應象

兩軍相對彗星見隨彗所指擊之者勝

彗星行者事小止者事大各以分野占之

彗星昏見其國受兵

彗星出有叛者兵起其國一曰不出一歲天下大水其邦尤甚

彗星見後曲象旗則王者討伐四方

彗星見敵國兵起得本者勝

彗從中出尾向東天下人民死上殺下也尾向北天下相殺向南亦然尾向西南三處逆臣動尾向東南人不安尾向西北臣弑君西北者乾位尾向東北胡夏不和四尾相連天下太平君臣有德彗出兩尾天下凶徒反

二彗並現天下大亂一年主赦

彗星犯乾不移國災亢旱人民有難一年內應
犯坎不移兵起一年內應

犯艮不移五穀不收人民不安

犯震不移民亂五穀無收凶

犯巽不移有陰謀事二百日內應

犯離不移兵亂旱災一年內應

犯坤不移反逆之兆一年內應

犯兌不移君主離位一年內應

彗犯角亢至近不移主大風有哭痛聲人民饑一年內應

犯式房心不移宋國水災兵戈大亂二百日內應

犯尾箕不移燕國大兵起人民饑荒三百日內應
犯斗牛女不移吳越兵起人民荒亂水災一年內
應

犯虛危不移蝗蟲災傷人民大亂一年內應

犯室壁不移水災漂流人民散亂

犯奎婁近不移魯地有兵起人民離亡疾疫一年

內應

犯胃昂畢近不移趙魏有火災妖孽鬼祟作害饑
荒一年內應

犯角參井近不移晉地大兵起亢旱饑饉一年內
應

犯鬼柳近不移秦地大兵起人民災三百日內應

犯星張近不移周地有兵人民疾疫一年內應

犯翼軫近不移楚地有賊大亂三年內應

李星者惡氣所生為亂兵其所以李德李德者亂
之象不明之表又參然李焉兵之類也故名之曰
李星之為言猶有所傷害有所妨蔽或謂之彗星
所以除穢而布新也又曰李星彗之屬也偏指曰

彗芒氣匹出曰孛孛者孛孛然非常惡氣之所生也內不有大亂則外有大兵天下合謀闇蔽不明有所傷害晏子曰君若不政孛星將出彗星何懼乎由是言之災甚於彗

漢京房風角書集星章所載妖星皆以五寅日見於月旁各以五星所生云

天槍生箕宿中天根生尾宿中天荆生心宿中天振生氏宿中天樓生亢宿中天桓生左角宿中皆歲星之所生也見以甲寅日其星咸有兩青方在

其爰

天陰生軫宿中晉若生翼宿中官張生張宿中天惑生斗星宿中天雀生柳宿中赤若生鬼宿中蚩尤生井宿中皆災惑之所生也出在丙寅日有兩赤方在其旁

天上天代從星天樞天翟天涕荆彗皆填星之所生也出在戊寅日有兩黃方在其旁

若星生參宿中帚星生觜宿中若彗生畢宿中竹彗生昴宿中牆星生胃宿中據星生婁宿中白翟

生牽宿中皆太白之所生也出在庚寅日有兩白方在其旁

天美生壁宿中天彘生室宿中天杜生危宿中天
麻生虛宿中天林生女宿中天高生牛宿中端下
生斗宿中皆辰星之所生也出以壬寅日有兩黑
方在其旁

已上三十五星即五行氣所生皆出於月左右方
氣之中各以其所生星將出不出日數期候之當
其未出之前而見則有水旱兵喪饑亂所指亡國

失地王死破軍殺將

歲星之精流為天棊天槍天槍天衛國皇反登

一曰天棊一名覺星或曰天格本類星末銳長四
丈或出東北方西方主滅兵主奮爭又曰天棊出
其國凶不可舉事用兵又曰期三月必有破軍拔
城又曰歲星失次進而東北三月生天棊長四丈
餘主鐵鉞動

二曰天槍主捕制或曰攬雲如平槍雲如馬或曰
天槍左右銳長數丈天攬本類星末銳長丈其出

不過三月必有破國亂軍伏死其辜殃之不盡當為饑旱疾

三曰天猾主招亂又曰人主自恣逆天暴物則天猾起

四曰天衝狀如人蒼衣赤首不動王滅位又曰衝星出臣謀主卒發又曰天衝抱極泣帝前血濁

霧下天下冤
五曰國皇或曰機星散為國皇星大而赤類南極

老人星主滅好上內寇內難見則兵起天下急或

云其下起兵兵強又曰外內有兵喪又曰是則其

衝不利東南兵起或云去地二三丈如烟火狀

星名同而占狀異

六曰反登主夷分皆少陽之精司徒之類青龍七宿之域有謀及若恣虐為害主失春政者以出時

衝為期皆主君徵也

熒惑之精流為析旦蚩尤旗昭明司危天攬

一曰析旦或曰昭旦主弱之符又曰析旦橫出參擢百尺為相誅滅

二曰蚩尤旗或曰旋星散爲蚩尤旗或曰蚩尤旗
五星盈縮之所生也狀類彗而後曲象旗或曰四
望無雲獨見赤雲蚩尤旗也或曰蚩尤旗如箕所
長二丈未有星所見之方其下有兵又曰亂國之
王衆邪並積有雲若植藿竹長黃下白下名曰蚩
尤旗主誅逆國又曰帝將怒則蚩尤旗出又曰虐
主反度則蚩尤旗出或曰本類星而後委曲其象
旗旛可長二三丈見則王者旗鼓大行征伐四方
兵大起不則國有大喪又曰長星竟天是爲蚩尤

旗所以去無道建有德國大亂而亡

三曰昭明五星變出於西方名曰昭明金之氣也
又曰赤彗分爲昭明昭明滅光象如太白亡故
以爲起霸之徵或曰機星散爲昭明又曰西方有
星望之去地可六丈而有光其類太白數動察之
中赤是謂西方之野星名曰昭明出則兵大起其
出也下有喪出南方則西方之邦失地或曰大而
白無角乍上乍下所起國兵多變或曰昭明形如
三尺機機上有九彗上向或曰昭明如太白不行

主起有德又曰西方有星大而白有角目下視之
名曰昭明金之精出則兵大起若起房心國有喪
必有屠城昭明下則爲天狗所下者大戰流血
四曰司危又名司怪或曰機皇散爲司危又曰白
彗之氣分爲司危司危乎以爲爭爭之徵或曰司
危星大有毛兩角又曰司危星類太白數動察之
而赤司危出強國盈主擊強侯兵也又曰司危見
則主失法期八年豪傑起天子以不義失國有聲
之臣行主德也又曰司危見則其下國相殘賊又

曰司危星出正西西方之野星去地可六丈大而
白類太白一曰見兵起強又曰司危出非其方其
下有兵其衝不利

五曰天攙其狀白小數動主殺罰是謂攙星一名
斬星天攙主制時又曰天攙見女士用事者其本
爲主人或曰天攙彗出西北狀如劍長四五丈或
曰如鉤長四丈又曰天攙出其下相攙爲饑爲兵
赤地千里枯骨藉藉一曰天攙出其國內亂又曰
太陽之精朱鳥七宿之域有謀反恣虐爲害主失

夏政

填星之精流爲五殘六賊獄漢太賁炤星絀流滯星旬始擊咎

一曰五殘或曰旋星散爲五殘亦曰蒼彗散爲五殘如辰星出角故爲毀敗之徵或曰五殘五分一曰一本而五枝也期九年間與三九二十七大亂不可禁又曰五殘者五行之變出於東方五殘木之氣也一曰五鋒又曰五殘星出而東東方之野星狀類辰星去地可六七丈大而白或曰大而黃

王垂亡亦爲備急兵見則主誅臣野亂成或曰東方有星望之去地可六丈大而赤察之中青或曰星表青氣如暈有毛其類歲星是謂東方之野星名曰五殘出則兵大起其出也下有喪出北則東方之邦失地又曰五殘出四蕃虛天子有急兵或曰五殘大而赤數動察之中青又曰五殘出則兵起

二曰六賊五行之氣出於南方名曰六賊火之氣也或曰六賊星如彗又曰南方有星望之可去地

六丈赤而數動察之有光其類熒惑是謂南方之野星名曰六賊出則兵起其國亂其出也下有喪出東方則南方之邦失地又曰六賊星見出止南南方之星去地可六丈大而赤數動有光又曰五殘六賊出禍合天下逆侵關拒

三曰獄漢一曰咸漢或曰權星散為獄漢又曰咸漢者五行之氣出於北方水之氣也獄漢青中赤表下有彗從橫主逐王棘王又曰北方有星望之可去地六丈大而赤數動窟之中青黑其類辰

星是謂北方之野星名曰咸漢出則兵起其下有喪出西方則北方之邦失地又曰獄漢動諸侯驚出則陰橫又曰五殘六賊司危咸漢出非其方其下有兵其衝不利

四曰大賁主暴衝

五曰炤星主滅邦

六曰紕流動天下敖主伏逃又曰紕流主自理無所逃

七曰第星在東南本類星末類第所當之國實受

其殃

八曰旬始或曰樞星散為旬始或曰五星盈縮之所生也亦曰旬始妖氣又曰旬始蚩尤也又曰旬始出於北斗旁狀如雄雞其怒青黑象伏鼈又曰黃雫分為旬始旬始者今起也狀如雄雞主含饗以文白接精象雞故以為立主之題期十年聖人起代羣猾橫恣又曰旬始怒雌也主爭兵主亂主招橫又曰旬始照其下必有滅王五好爭作暴骨積骸以子續食見則臣亂兵起諸侯為虐又曰常

以戊戌日視五車及天車天庫中有奇怪曰旬始狀如鳥有喙而見者則兵大起攻戰當其首者破死或曰出則諸侯雄鳴又曰出見北斗聖人受命天子壽王者有福

九曰擊咎出臣下主一曰臣禁主主大兵又曰土精斗七星之域以長四方司空之位有謀反恣虐者占如上

太白之精散為天杵天杵伏靈大敗司奸天狗天殘卒起

一曰天杵主祥羊
 二曰天柎主擊缺
 三曰伏靈主頽讒伏靈出天下亂殺人
 四曰大敗主鬪衝或曰大敗
 五曰司奸主見妖
 六曰天狗亦曰五星氣今之變出西南金火氣合
 名曰天狗或曰天狗星有毛旁有短彗下如狗形
 者主徵兵主討賊亦曰天狗流五將鬪又曰西北
 方有星長三丈而出水金氣交名曰天狗亦曰西

伐射滅之象也又曰物莫直於矢今蛇行不能直
 而枉者執矢者亦不正以象執政亂也
 二曰破女破女若見君占皆謀主勝之符
 三曰拂樞拂樞動亂駭擾無調時又曰拂樞主制
 時
 四曰滅寶滅寶起相得之又曰滅寶主伐之
 五曰繞廷繞廷主亂孽
 六曰驚理驚理主相署
 七曰大奮祀大奮祀主招邪或曰大奮祀出主安

之太陰之精玄武七宿之域有謀反若恣虐為害
主失冬政者期如上占禍亦應之又曰五精潛潭
而以類逆所犯行失時指下臣承類者乘而害之
皆滅亡之徵也

武備志卷三十九

武備志卷一百六十

防風茅元儀輯

占度載

占十三

占星七

星妖二

雜妖星一曰天鋒彗象矛鋒天下縱橫則天鋒星
見

二曰燭星狀如太白其出也不行見則不久而滅

或曰主星上有三彗上出所出城邑亂有大盜不成又以五色占

三曰蓬星大如二斗器色白一名王星星狀如夜火之光多至四五少即一二亦曰蓬星在西南長數丈左右兌出而易處星見不出三年有亂臣戮死又曰所出大水太旱五穀不成人相食又曰有星其色黃白方不過三尺名曰蓬星又曰蓬星狀如粉絮見則天下道術士當有出者布衣之士貴天下太平五穀成一曰蓬星出北斗諸侯有奪地以

地亡有兵起

與客星主斗蓬絮占異

四曰長庚如一疋帛著天見則兵起

五曰四填星出四隅去地六丈餘或曰可四丈或曰星大而赤去地二丈常以夜半時出見星十月而兵起皆為兵起其下

六曰地維藏光地維藏光者五行之氣出於四季土之氣也又曰四隅有星望之可去地四丈而赤黃搖動其類填星是謂中央之野星出於四隅名曰地維藏光出東北隅天下大水出東南隅天下

大旱出西南隅則有兵起出西北隅則天下亂兵
大起或曰出四隅大而赤如月始出見則其下有
亂者亡有德者昌

七曰女帛女帛者五星氣合之變出東北水木氣
合也又曰東北有星長三丈而出名曰女帛見則
天下兵起有大喪又曰東北有三大星出名曰女
帛占同上

八曰盜星盜星者五星氣合之變出東南火木氣
合也又曰東南有星長三丈而出名曰盜星見則

天下有太盜多寇賊又曰東南有三大星出名盜
星占同上

九曰積陵乃五星氣合之變出西北金水氣合也
又曰西南有星長三丈見則天下隕霜兵大起五
穀不成民饑又曰西南有三大星名曰積陵出則
天下穀貴十倍積一作種

十曰端星乃五星氣合之變出與金木水火合於
四隅又四隅有星大而赤察之中黃數動長可四
丈此土之氣効於四季名曰四隅端星所出兵大

起

十一曰昏昌有星出西北氣青赤以環之中赤外青名曰昏昌見則天下兵起國易政先起者昌後起者亡高十丈亂一年高二十丈亂二年高三十丈亂三年

十二曰華星有星出西北狀如環一名山勤星見則諸侯有失地在西北國

十三曰白星如星非星狀若削瓜有勝兵名曰白星出則為男喪

十四曰菟昌西北菟昌之星有赤青環之有效有青為水此星見則天下改易

十五曰格澤氣赤如火炎炎中天上下同色東西經天若於南北長可四五里此災惑之變見則兵起其下伏尸流血期三年與瑞星格澤占異

十六曰歸邪色如赭光焰出如彗非彗如星非星如雲非雲見陰雲中如陽發於陰之象或曰有兩赤彗上向上有蓋狀如氣下連星或出北斗旁或光射貫北斗或曰見必有歸國者或曰主兵敵國

滅王復興聖人出，星必見。魏國昔有星曰主兵，燭國
 十七日濛星，又曰隧星，夜有赤氣如牙旗，長短四
 面西南最近，又曰刀星，亂之象也。又曰徧天薄雲，
 四方生赤黃氣，長三尺，乍見乍沒，尋皆消滅。又曰
 刀星見，天下有兵戰鬪，流血。或曰徧天薄雲，四方
 合有八氣：蒼白、色長三尺，乍見乍沒。
 八怪星：一、毛頭星，一、彗星，又曰掃星，形如掃帚，
 色似白雲，如赤土，獨尾指處大凶，見則不過一年。
 夷狄兵起，中國荒亂。又曰白氣穿心上，如披頭，
 三、

物消耗，亂兵為害。又曰從起處一道白氣長二、五
 丈如箭，不出百日，國內兵起，合主喋血。

二、帶劍星，一曰毛，一曰懸力，一曰仗刀，形如刀，色
 似白雲，如赤土，尖鋒指處大凶，見則不過一年。主
 兵奸臣作亂。又曰白氣一條穿心斜貫，兵起作亂。
 宜先進戰。又曰有二道氣色，白，內兵起，先動者
 勝。

三、銀鎗星，一曰神錐，一曰吳鉤，形如短鎗，色似白
 雲，大指處大凶，主夷狄來侵，盜起，天下亂。又曰白

氣一條穿心直貫兵起四方擾害天下又曰有氣穿星而過長三五丈形如神鎗不過六十日兵起侵越疆界

四張弓星一曰射弓一曰被射形如弓樣如初月色似白雲尖指處大凶見則不過二年兵起天下大亂又曰氣焰如弓架箭以射兵起民災後終有功又曰形如弓拽滿起立當心中國兵起以威天下靖亂定難

五神文星一曰神鎗一曰神戟形如叉色似白雲

尖指處凶見則不過一年國內大亂又曰星焰上出未開兩丫太兵起亂主將乖疑又曰下了一道氣色見不過四十日國內大亂死亡相籍

六拖練星一曰長庚一曰短帶形如拖練色似白雲尖指處大凶見則不過一年草寇興兵又曰星垂白氣如練兵革起亂國主凶災又曰從起處有氣色一道如舒綿不過九十日國亂兵起民逃

七拋毬星一曰長人頭一曰數月形如圓月色似白雲見則不過一年天子離宮人民失業又曰旂

頭上圓下披見則兵亂人死如山又曰從起處發
 一道氣色細微如練長三二丈號曰拋毬不過五
 六十日兵大起
 八旗鎗星一曰懸燾二曰擔旗形如旗鎗色似白
 雲見則一年内兵起國亂又曰星焰上起斜如擔
 旗邊兵作亂血戰無休又曰其氣一道如人肘槍
 上面氣如遮大旗其星若於夜起從營寨上見主
 營中不過三更更有血也此星見者百日內四夷兵
 起中國大亂殺人如麻

景星者德星也天暝而見景星暝精明也一名良
 星亦名瑞星如半月生於晦朔助月為明或曰星
 大而中空或曰黃光熠熠如半月或曰有赤方氣
 與青方氣相連赤方中有兩黃星青方中有一黃
 星凡三星合為景星也其狀無常常出於有道之
 國
 星如炎火色黃白起地而上下大上銳曰格澤其
 見則不種而獲不有土功必有太客
 木星在西方光明黃潤曰壽星見則人君壽考

赤星黃光在赤氣中曰祿星見則其國吉昌

星黃色煌煌然其光濁地曰周伯所見之國大昌

與客星周伯占異

星光耀明盛似彗射出曰合與喜則合譽射又主

蠻夷入貢

附二十八宿分野所屬

角亢

河南開封府 歸德府 汝寧府 角亢兼氏

房心

南直隸徐州

尾箕

北直隸順天府 尾 河間府 尾 遼東都指揮使司

尾 永平府 尾 保安州 尾 隆慶州 尾 萬全

都指揮使司 尾 保定府 尾箕兼昂畢

斗

南直隸應天府 鳳陽府 蘇州府 廬州府

安慶府 太平府 寧國府 池州府

徽州府 廣德州 和州 滁州

江西南昌府 饒州府 瑞州府 南康府

九江府 建昌府 撫州府 廣信府

臨江府 吉安府 袁州府 贛州府

南安府

浙江杭州府 嘉興府 處州府 湖州府 牛

牛女

浙江嚴州府 金華府 衢州府 紹興府

寧波府 台州府 溫州府

福建全省惟建寧府 女

廣東全省惟惠州府 女 廉州府 翼

虛危

山東青州府

危

山東濟南府 登州府 萊州府 東昌府 危

室壁

河南彰德府 衛輝府 懷慶府

北直隸大名府

奎婁

山東兗州府

昂

北直隸順德府

昂

北直隸廣平府

昂畢

北直隸真定府 大同府

昂

山西平陽府 澤州

參

四川松潘軍民指揮使司

山西汾州

參井

山西大原府 潞州府 遼州

四川順慶府 成都府 井鬼入參一

井鬼

陝西西安府 鳳翔府 平涼府 鞏昌府

臨洮府 慶陽府 延安府 寧海衛

洮州衛 岷州衛

陝西行都指揮使司

漢中府

井鬼兼翼軫

四川叙州府

重慶府

保寧府

潼川府

眉州

嘉定州

瀘州

雅州

烏蒙軍民府

烏撒軍民府

芒部軍民府

播州宣慰使司

永寧宣撫司

黎州安撫司

四川行都指揮使司

雲南全省

貴州全省

馬湖府

鬼

龍安府

鬼

柳

河南,河南府

張

河南,南陽府

翼軫

湖廣,承天府

武昌府

漢陽府

襄陽府

德安府

黃州府

荊州府

岳州府

長沙府

朱州府

衡州府

辰州府

常德府 彭州府 永順宣慰司

四川夔州府

廣東廉州府

廣西全省 寶慶府 靖州衛 施州衛

武備志卷一百六十一

